

■ Grilln beim Wurzelrudi an der Adleralm

Wos zeicht de Watterkart? Nu du Ugelick – Platzregn, Blitz un Hachl!
Nu wie söll des dä gieh, mir wolln doch nauf de Adleralm zen Kaffee un
noocherts wieder nunner zen Grilln!

Aber die erschte Watterkart hat mir de Denise geschickt, meine hat
eweng besser ausgesah – aber – mor kaa ja net wissen wies Watter
noocherts wirklich wird...

Aber wie immer bei uns im Vorein – in Kopp net neine Sand gesteckt –
auf giehts – is werd schu warn!

Un wies halb viere war, do warn e paar Wolkn am Himmel, aber aa de
Sonn hat raus geguckt. Nicht wie nei in den Lift un hoch gefahrn. Ubn
war beste Sonn, schie warm un viel Platz for uns alle. Alle – des warn 35
Leit, die annern ham abn gedacht is regnt un do genne mir emol net
mit do nauf!



Bei nor Tass Kaffee, Eis un sinstwos vorging die Zeit do drubn gar
schnell. Un schnell mußtn mir aa wieder dreiviertelsechse nunner, weil –
bei dor neistn Baustell gelei nabn ne Gipflkreiz war ne Sprengerei aage-
saat, aber mir brauchtn uns net ze ferchtn, wens emol racht knalln tät.
Wu mir aber in den Lift zen nunnerfahrn soßn, kame dorwagn e paar su-
perschwarze Wolkn gezugn... Iech dacht schu, nu hoffntlich kumme mir
allezam heil un trockn erscht emol bis nunner. Untn aakumme, sooch dar
Himmel noch eweng diestrer aus. Aber mir ham uns in Platz gesucht un-
ner de Schirm, ham uns ewos ze Trinkn gehult, hiegesetzt un of de Roster
gewart. Dor gute Rostermaa hat aa gelei aagehaazt un saat ze mir, des is
halb Sieme e bissl regne tät, un halb Achte wär dar Spuk dann wieder
vorbei. Aber mir tätn ja gut beschirmt sei. E paarle ham schu racht ängst-
lich nooch den schwarzn Himml geguckt, doch noch war allis ruhich. Mir
ham uns in Sekt, de Limo un is Bier schmeckn lessn un warn in guter
Hoffnung, des dar Regn vielleicht doch net kimmt. Dar is ja schu e paar
mol bei uns vorbeigezugn un mir sei vorschunt gebliebn.



Un dar Rostermaa hat fei Racht gehatt: Dor Platzregn kam gar heftich
un mir mußtn schu ganz schie zamrickn, is warn ja aa noch e paarle vu
uns dorzugestußn, die net mit of dor Alm warn. Su soßn un standn mir
nu im de 40 Leit unner de Wernisgriener Schirmle. Un des hat ge-
gossn... Mir ham uns im Regn in Bong for de Roster vu dor Kass gehult
un dann dodorfir bei den gutn Maa de Wurscht kricht. Un die ham gut
geschmeckt, e mannicher hat sugar fei zwee gassn!

Trotz den Regn – oder vielleicht sugar wagn den Regn, hatt die ganze
Sach noch emol suviel Spaß gemacht. Un nooch dor Vorharsooch hat ja
aa des Uwatter aufgehärt un mir kunntn sugar in Trockne dann eham
gieh.

E ganz harzlichs Dankeschön an des Tiem vu dor Wurzlrudi-Adleralm
mit ne Rosterbroter un den zwee schennstn Maadln, die uns ofs Beste
vorsorcht ham!

*E suwos dorlabt mor abn nár mit unnern Eimstocker Arzgebirgsvorein!
Bis zen nächstn mol – eier Schmidti*